


三
真月



24418

陳書目錄

凡三十六卷

本紀六卷

列傳三十卷

本紀第一

陳書一

高祖上

本紀第二

陳書二

高祖下

本紀第三

陳書三



世祖

本紀第四

陳書四

廢帝

本紀第五

陳書五

宣帝

本紀第六

陳書六

後主

列傳第一

陳書七

皇后

高祖章皇后

世祖沈皇后

廢帝王皇后

高宗柳皇后

後主沈皇后

張貴妃

列傳第二

陳書八

杜僧明

周文育

子寶安

侯安都

列傳第三

陳書九

侯瑱

歐陽頔

子統

吳明徹

裴子烈

列傳第四

補書十

周鐵

程靈洗 子文季

列傳第五

陳書十一

黃法甄

淳于量

章昭達

列傳第六

補書十二

胡穎

徐度 子敬成

杜稜

沈恪

列傳第七

陳書十三

徐世譜

魯悉達

周敷

荀朗 子法尚

周灵

列傳第八

陳書十四

衡陽獻王昌

南康獻王雲明 方泰方慶

列傳第九

陳書十五

宗室

陳凝

陳詳

陳憲

列傳第十

陳書十六

趙知禮

蔡景歷

劉師知

謝岐

列傳第十一

陳書十七

王仲

三通

袁敬 兄子

列傳第十二

陳書十八

沈衆

袁泌

劉仲威

陸山才

王質

章載 族弟

列傳第十三

陳書十九

沈炯

虞荔 弟寄

馬樞

列傳第十四

陳書二十

劉仲舉

韓子高

裴啟

列傳第十五

陳書二十一

謝世

蕭乾

謝景

張種

王固

孔奧

蕭允 弟

列傳第十六

陳書二十二

陸子隆

錢道戢

駱牙

列傳第十七

陳書二十三

沈君理

王瑒

陸繕

列傳第十八

陳書二十四

周弘正 弟弘直 弘直子確

袁憲

列傳第十九

陳書二十五

裴忌

孫瑒

列傳第二十

陳書二十六

徐陵 弟孝克

列傳第二十一

陳書二十七

江撝

姚察

列傳第二十二

陳書二十八

世祖九王

始興王德茂

鄱陽王伯山

晉安王伯恭

衡陽王伯信

廬陵王伯仁

江夏王伯義

武陵王伯禮

永陽王伯智

桂陽王伯謀

高宗二十九王

豫章王叔英

長沙王叔堅

建安王叔卿

宜都王叔明

河東王叔獻

新蔡王叔齊

晉熙王叔文

淮南王叔彪

始興王叔重

尋陽王叔嚴

岳陽王叔慎

義陽王叔達

巴山王叔雄

武昌王叔虞

湘東王叔平

臨賀王叔敖

陽山王叔宣

西陽王叔穆

南安王叔儉

南郡王叔澄

沅陵王叔興

岳山王叔詔

新興王叔純 巴東王叔謨

臨海王叔顯 新會王叔坦

新寧王叔隆 新昌王叔榮

太原王叔正

後主諸子

皇太子深 吳興王胤

南平王疑 永嘉王彥

南海王虔 信義王祗

邵陵王兢 會稽王莊

東陽王恮 吳郡王藩

錢唐王恬

列傳第二十三 陳書二十九

宗元饒 司馬申

毛喜 蔡徵

列傳第二十四 陳書三十

蕭濟 陸瓊 子榮英

顧野王 傳緯 字季

列傳第二十五 陳書三十一

蕭摩訶 子世廉

任忠

樊毅 弟猛

魯慶遠

列傳第二十六

陳書三十二

孝行

殷不害 弟不佞

謝貞

司馬暠

張昭

列傳第二十七

陳書三十三

儒林

沈文阿

沈洙

戚宏

鄭灼

陸翽 賀德基

賀德基

全緩

張誠

顧越

沈不害

王元規

列傳第二十八

陳書三十四

六學

杜之偉

顏晃

江德藻

庾持

許亨

褚珩

岑之敬

陸瑛

何之元

徐伯陽

張正見

蔡崇

阮卓

列傳第二十九

陳書三十五

熊曇朗

周迪

留異

陳寶應

列傳第三十

陳書三十六

始興王叔陵

新安王伯固

陳書本紀三十列傳凡三十六篇唐散騎常

侍姚思廉撰始思廉父察梁陳之史官也尉二

代之事未就而陳亡隋文帝見察甚重之每就察

訪梁陳故事察因以所論載每一篇成輒奏之

而文帝亦遣虞世基就察求其書又未就而察

死察之將死屬思廉以繼其業唐興武德五年

高祖以自魏以來二百餘歲世統數更史事放

逸乃詔撰次而思廉遂受詔為陳書久之猶不

就貞觀三年遂詔論撰於祕書內省十年正月

壬子始上之觀察等之爲此書歷三世傳父子更數十歲而後乃成蓋其難如此然及其既成與宋魏梁齊等書世亦傳之者少故學者於其行事之迹亦罕得而詳也而其書亦以罕傳則自祕府所藏往往脫誤嘉祐六年八月始詔校讎使可鏤板行之天下而臣等言梁陳等書缺獨館閣所藏恐不足定著願詔京師及州縣藏書之家使悉上之

先皇帝爲之其事至七年冬稍稍始集臣等以相校至八年二月陳書三十六篇者始校定可傳之學者其疑者亦不敢損益特各疏于篇末其書舊無目錄傳名氏多闕謬因別爲目錄一篇使覽者得詳焉夫陳之爲陳其要備爲一切之計非有先王經紀禮義風化之美制治之法可章示後世然而兼權尚計明於任使恭儉愛人則其始之所以興或於邪臣溺於嬖妾志患縱欲則其終之所以亡興亡之端苟非自己致者至公有所因造以爲號令威刑職官州郡之制

雖其事已淡然亦各施於一時皆學者之所不
可不考也而當時之士自爭奪詐僞苟得偷合
之徒尚不得不列以為世戒而況於壞亂之中
蒼皇皇之際士之安貧樂義取舍去就不為患禍
孰利動其心者亦不絕於其間若此人者可謂
為於善矣蓋古人之所思見而不可得風雨之
時所為作者也安可使之泯泯不少概見於天
下哉則陳之史其可廢乎蓋此書成之既難其
後又久不顯及

宋興已百年古又遺事靡不畢講而始得盛行
於天下列於學者其傳之之難又如此豈非遭
遇固自有時也哉臣恂臣穆臣藻臣覺臣彥若
臣洙臣鞏謹敘目錄昧死上

陳書目錄終

紀第一

陳書一

散騎常侍姚思廉撰

高祖上

高祖武皇帝諱霸先字興國小字法生吳興長
城下若里人漢太丘長陳寔之後也世居潁川
寔玄孫准晉太尉准生匡匡生達永嘉南遷為
丞相掾歷太子洗馬出為長城令悅其山水遂
家焉嘗謂所親曰此地山川秀麗當有王者興
二百年後我子孫必鍾斯運達生康復為丞相

掾咸和中土斷故為長城人康生盱眙太守英
英生尚書郎公弼公弼生步兵校尉鼎鼎生散
騎侍郎高高生懷安令詠詠生安成太守猛猛
生太常卿道巨道巨生皇考文讚高祖以梁天
監二年癸未歲生少儻有大志不治生產既
長讀兵書多武藝明達果斷為當時所推服身
長七尺五寸日角龍顏垂手過膝嘗遊義興館
於許氏夜夢天開數丈有四人朱衣捧日而至
令高祖開口納焉及覺腹中猶熱高祖心獨負

之大同初新喻侯蕭譽吳興太守甚重高祖
嘗言高祖謂僚佐曰此人少將遠大及暎為廣
州刺史高祖為中直兵將軍隨府之鎮暎令高
祖招集士馬衆至千人仍命高祖監宋隆郡所
部安化二縣元不實高祖討平之尋監西江督
護高要郡守先是武林侯蕭諮為交州刺史以
哀刻失衆心士人李貴誦結數州豪傑同時反
臺遣高州刺史孫罔新州刺史盧子雄將兵擊
之罔等不時進兵於廣州伏誅子雄弟子略

高祖子姪及其主帥杜天合杜僧明共舉兵執南
江督護沈顛進寇廣州晝夜苦攻州中震恐高
祖率精兵三千卷甲兼行以救之頻戰屢捷天
合中流矢死賊衆大潰顛明遂降梁武帝深歎
異焉授直閣將軍封新安子邑三百戶仍遣書
二圖高祖容貌而觀之其年冬蕭暎卒明年高
祖送喪還都至大庾嶺會有詔高祖爲交州司
馬領武平太守與刺史楊暕南討高祖益招勇
敢器械精利暕喜曰能尅賊者必陳司武也委

以經略高祖與衆軍發自番禺是時蕭勃爲定
州刺史於西江相會勃知軍士憚遠役陰購誘
之因詭說暕暕集諸將問計高祖對曰交趾叛
渙罪由宗室遂使僭亂數州彌歷年稔定州復
欲昧利目前不顧大計節下奉辭伐罪故當生
死以之豈可畏憚宗室輕於國憲今若奪人沮
衆何必交州討賊問罪之師即回有所指矣於
是勒兵鼓行而進十一年六月軍至交州責衆
數萬於蘇歷江口立城柵以拒官軍暕推高祖

為前鋒所向摧陷走與徹湖於屈獠界立砦
大造船艦充塞湖中衆軍憚之頓湖口不敢進
高祖謂諸將曰我師已老將士疲勞歷歲相持
恐非良計且孤軍無援入人心腹若一戰不捷
豈望生全今藉其屢奔人情未固夷獠烏合易
為摧殄正當共出百死決力取之無故停留時
事去矣諸將皆默然莫有應者是夜江水暴起
七丈注湖中奔流迅激高祖勸所部兵乘流先
進衆軍鼓譟俱前賊衆大潰皆竄入屈獠洞中

屈獠斬黃備守首京師是歲太清元年也黃兄天
寶遁入九旨六與劫帥李紹隆收餘兵二萬殺德
州刺史陳文戒進圍愛州高祖仍率衆討平之
除振遠將軍西江督護高要太守督七郡諸軍
事二年冬歲景寇京師高祖將率兵赴援廣州
刺史元景仲陰有異志將圖高祖高祖知其計
與成州刺史王懷明行臺選郎殷外臣等密議
戒嚴三年七月集義兵於南海馳檄以討景仲
景仲窮蹙縊于閣下高祖迎蕭勃鎮廣州是時

臨賀內史歐陽頔監衡州蘭裕蘭京禮扇誘始興等十郡共舉兵攻頔頔請援於勃勃令高祖率衆救之悉擒裕等仍監始興郡十一月高祖遣杜僧明胡穎將二千人頓于嶺上并厚結始興豪傑同謀義舉侯安都張憇等率千餘人來附蕭勃聞之遣鍾休悅說高祖曰侯景驍雄天下無敵前古有援軍十萬士馬精彊然而莫敢當鋒遂令羯賊得志君以區區之衆將何所之如聞嶺北王侯又皆鼎沸河東桂陽相次屠戮邵

陵開建親尋于戈李遷仕許身當陽使奪馬仗以君咄咄外詎可暗投未若且住始興遙張聲勢保此大山自求多福高祖泣謂休悅曰僕本庸虛蒙國威造往聞侯景渡江即欲赴援遭值元蘭梗我中道今京都覆沒主上蒙塵君臣死誰敢愛命君侯體則皇枝任重方岳不能摧鋒萬里至此冤痛見遣一軍猶賢乎已乃降以旨使人極然僕行計決矣憑爲披述乃遣使問道往江味以稟承軍期節度時蔡路養起兵據南康

勃遣腹心譚世遠為曲江令與路養相結同邊
義軍。太寶元年正月高祖攻辰自始興次大庾各領
路養出軍頓南野依山水平四城以拒高祖高
祖與戰大破之路養脫身走高祖進頓南康
湘東王承制授高祖負外勅騎常侍持節明威
將軍交州刺史改封南野縣伯六月高祖脩崎
頭古城徙居焉高州刺史宋子遷仕遠大皇遣主
帥杜平虜率千人入瀨石魚梁高祖命周文育
將兵擊走之遷仕奔寧都承制授高祖通直散

騎常侍使持節信威將軍豫州刺史領豫章內
史改封長城縣侯尋授散騎常侍使持節都督
六郡諸軍事軍師將軍南江州刺史餘如故時
寧都人劉藹等資遷仕舟艦兵仗將襲南康高
祖遣杜僧明等率二萬人據白口築城以禦之
遷仕亦立城以相對二年二月僧明等攻拔其
城生擒遷仕送南康高祖斬之承制命高祖進
兵定江州仍授江州刺史餘如故六月高祖發
自南康南康瀨石舊有二十四灘灘多巨石行

旅者以為難高祖之發山水暴起數丈三百里
間巨石皆沒進軍頓西日有龍見于水濱高五
丈許五采鮮耀軍民觀者數萬人是時承制遣
征東將軍王僧辯督眾軍討侯景八月僧辯軍
次湓城高祖率杜僧明等眾軍及南川豪帥合
三萬人將會焉時西軍乏食高祖先貯軍糧五
十萬石至是分三十萬以資之仍頓巴丘會侯
景廢簡文帝立豫章嗣王棟高祖遣兼長史沈
袞奉表于江陵勸進十一月承制授高祖使持

節都督會稽東陽新安臨海永嘉五郡諸軍事
平東將軍東揚州刺史領會稽太守豫章內史
餘竝如故三年正月高祖率甲士三萬人彊弩
五千張舟艦二千乘發自豫章二月次桑落洲
遣中記室參軍江元禮以事表江陵承制加高
祖鼓吹一部是時徇已發湓城會高祖于白
茅灣乃登岸結壇刑牲盟約進軍次蕪湖侯景
城三張黑葉城走二月高祖與諸軍進剋姑熟
仍之蔡洲侯景登石頭城觀望形勢意甚不悅

謂左方曰此軍上谷紫氣不易可當乃以舩舫貯石沈塞淮口緣淮作城自石頭迄青溪十餘里中樓雉相接諸將未有所決僧辯遣杜勣問計於高祖高祖曰前柳仲禮數十萬兵隔水而坐韋粲之在青溪立見不渡岸賊乃登高望之表裏俱盡肆其凶虐覆我王師今圍石頭須渡北岸諸將若不能當鋒請先往立柵高祖即於石頭城西橫隴築柵衆軍次連八城直出東北賊恐西州路斷亦於東北果林作五城以遏大路

景率衆萬餘人鐵騎八百餘匹結陣而進高祖曰軍志有之善用兵者如常山之蛇首尾相應今我師旣衆賊徒甚寡應分賊兵勢以弱制彊何故聚其鋒銳令必死於我乃命諸將分處置兵賊直衝王僧志僧志小縮高祖遣徐度領弩手二千橫截其後賊乃却高祖與王琳杜龕等以鐵騎悉力乘之賊退據其柵景儀同盧輝略開石頭北門來降盪主戴晃曹宣等攻拔果林一城衆軍又剋其四城賊復還殊死戰又盡奪

所得城柵高祖大怒親率攻之士卒騰柵而入
賊復散走景與百餘騎棄稍執刀左右衝陣陣
不動景衆大潰遂北至西明門景至闕下不敢
入臺遣腹心取其二子而遁高祖率衆出廣陵
應接會景將郭元建奔齊高祖納其部曲三
千人而還僧辯啓高祖鎮京口五月齊遣辛
術圍巖超達於秦郡高祖命徐度領兵助其固
守齊衆七萬填塹起土山穿地道攻之甚急高
祖少自率萬人解其圍縱兵四面擊齊軍弓弩

亂發齊平秦王中流兵死斬首數百級齊人收
兵而退高祖振旅南歸遣記室參軍劉本仁獻
捷于江陵七月廣陵僑民朱盛張象潛結兵襲
齊刺史溫仲豎遣使來告高祖率衆濟江以應
之會齊人來聘求割廣陵之地王僧辯許焉仍
報高祖高祖於是引軍還南徐州江北人隨軍
而南者萬餘口承制授高祖使持節散騎常侍
都督南徐州諸軍事征北大將軍開府儀同三
司南徐州刺史餘並如故及王僧辯率衆征陸

納於湘州承制命高祖代鎮揚州十一月湘東
王即位于江陵改大寶三年為承聖元年湘州
平高祖旋鎮京口三年三月進高祖位司空餘
如故十一月西魏攻陷江陵高祖與王僧辯等
進啓江州請晉安王以太宰承制又遣長史謝
哲奉牋勸進十二日晉安王至自尋陽入居朝
堂給高祖班劔二十人四年五月齊送貞陽侯
深明還主社稷王僧辯納之即位改元曰天成
以晉安王為皇太子初齊之請納貞陽也高祖

以爲不可遣使詣僧辯苦爭之往返數四僧辯
竟不從高祖居常憤歎密謂所親曰武皇雖啓
石之宗遠布四海至於剋雪讎恥寧濟艱難唯
孝元而已功業茂盛前代未聞我與三公俱受
重寄五未絕音聲猶在耳豈期一旦便有異圖
嗣主高祖之孫元皇之子海內屬目天下宅心
竟有何事坐致廢黜遠求夷狄假立非次觀其
此情亦可知矣乃密具袍數千領及錦綵金銀
以爲賞賜之具九月壬寅高祖召徐度侯安都

周文育等謀之仍部列將士分賞金帛水陸俱
進是夜發南徐州討王僧辯甲辰高祖步軍至
石頭前遣勇士自城北踰入時僧辯方視事外
白有兵俄而兵自內出僧辯遽走與其第三子
頽相遇俱出閤左右尚數十人苦戰高祖大兵
尋至僧辯眾寡不敵走登城南門樓高祖因風
縱火僧辯窮迫乃就擒是夜縊僧辯及頽景午
貞陽侯遜位百僚奉皇晏王上表勸進丁卯己
酉晉安王即位改承聖王四年為紹泰元年十王子

詔授高祖侍中大都督中外諸軍事車騎將軍
揚南徐二州刺史持節司空班劍鼓吹竝如故
仍詔高祖甲仗百人出入殿省雲南州刺史杜龕
據吳興中義興太守韋載同舉兵反高祖命周
文育率兵不攻載于義興龕遣其從弟北叟將兵
拒戰北叟敗歸義興辛未高祖表自東討留高
州刺史龕又都石州刺史杜稜宿衛臺省甲戌
軍至義興龕子拔其水欄秦州刺史徐嗣徽據
其城以入齊又表南豫州刺史任約共舉兵應

龕載齊人資其兵食嗣徽等以京師空虛率精
兵五千奄至關下侯安都領壯勇五百人出戰
嗣徽等退據石頭丁丑載及北齊來降高祖撫
而釋之以嗣徽寇逼卷甲還都命呂文育進討
杜龕十一月己卯齊遣兵五千濟汝據姑孰高
祖命合州刺史徐度於冶城寺立譙南抵淮渚
齊又遣安州刺史翟子崇楚州刺史劉仕榮淮
州刺史柳達摩領兵萬人於胡墅造以米粟三萬
石馬千匹入于石頭效未高祖遣侯安都領水

軍夜襲胡墅燒齊船千餘艘周鐵武率舟師斷
齊運輸搗其北徐州刺史張領州獲運舫米數
千石仍遣葦載於大舫築城使杜結據守齊人
又於倉門水南立二柵以拒官軍甲辰嗣徽等
攻冶城柵高祖領鐵騎精甲出自西明門襲擊
之賊衆潰嗣徽留柳達摩等守城自率親屬
腹心往南州采石以迎齊援十二月癸丑高祖
遣侯安都領舟師襲嗣徽家口于美州俘獲數
百人官軍追艦塞淮口斷賊水路先是太白自

十一月景戌不見乙卯出于東方
京辰高祖盡命衆軍一部甲卒對冶城立航渡
不攻其水南二柵柳等渡淮置陣
高祖督二疾戰縱火燒柵煙西
張天賊潰爭舟相排擠溺死者以千數時百姓夾淮觀戰呼聲震天地
平士乘勝無不一當百盡收其船艦賊軍懾氣
是日嗣徽約等領齊兵水步萬餘人還據石頭
高祖遣兵往江寧據要險以斷賊路賊水步不敢進
賴江寧浦口高祖遣侯安都領水軍襲賊之嗣徽等果

車舸脫走盡收其軍資器械
己未官軍四面攻城自辰訖酉得其東北小城及夜兵不解
庚申達摩遣使侯子欽劉仕榮等詣高祖請和
高祖許之乃於城門外刑牲盟約其將士部曲一無所問
恣其南北辛酉高祖出石頭南門陳兵數萬送齊人歸北者
壬戌齊和州長史烏丸遠自南州奔還歷陽江寧
令陳嗣黃明侍郎曹朗據姑熟反
高祖命侯安都徐度等討平之斬首數千級
聚爲京觀石頭採石南州悉平收獲馬仗

船米不可勝計。是月杜龕以城降。二年正月癸未，誅杜龕于吳興。龕從弟北史司馬沈孝敷竝賜死。二月庚申，高祖遣侯安都、周鐵武率舸艦備江州。仍頓梁山起柵，甲子，敕司空有軍旅之事，可騎馬出入城內。戊辰，前寧遠石城公外兵參軍王位於石頭沙際，獲玉璽四紐。高祖表以送臺。三月戊戌，齊遣水軍儀同蕭軌、庾伏連克難宗、東方老侍中裴英起、東廣州刺史獨孤辟惡、洛州刺史李元光并任約、徐嗣徽等率眾

十萬出柵，向梁山。帳內盪主黃叢逆擊，敗之。燒其前軍，加艦齊頓軍保蕪湖。高祖遣定州刺史沈泰、吳郡太守裴忌就侯安都，共據梁山以禦之。自去冬，至是甘露頓降于鍾山，柵崗南澗及京口江寧縣境，或至三數升，大如赤棊子。高祖表以獻。五月丁巳，高祖詣梁山軍，巡撫。五月甲申，齊發自蕪湖。景申，至秣陵故冶。高祖遣周文育屯一方山，徐度頓馬牧，杜稜頓大航南。己亥，高祖率宗室王侯及朝臣將帥於大司馬

南齊書卷之九十四

門外白獸闕下刑牲告天以齊人背約發言慷慨涕泗交流同盟皆莫能仰視士卒觀者益奮辛丑齊軍於秣陵故縣跨淮立橋柵引渡兵馬其夜至方山侯安都周文育徐度等各引還京師癸卯齊兵自方山進及兒塘游騎至臺周文育侯安都頓白土崗旗鼓相望都邑震駭高祖潛撤精卒三千配沈泰渡江龍衣赤幘行臺趙彥琛於瓜步獲舟艦百餘艘陳粟萬斛即日天子總羽林禁兵頓干長樂寺六月甲辰齊兵潛至鍾

山龍尾丁未進至苕入府山高祖遣錢明領水軍出江乘要擊齊人糧運盡獲其船米齊軍於是大餒殺馬驢而食之庚戌齊軍踰鍾山高祖衆軍分頓樂遊苑東及覆舟山北斷其衝要壬子齊軍至玄武湖西北莫府山南將據北郊壇衆軍自覆舟東移頓郊壇北與齊人相對其夜大雨震電暴風拔木平地水丈餘齊軍晝夜坐立泥中懸葛以禦炎而臺中及潮溝北水退路燥官軍每得番易甲寅少霽高祖命衆軍秣馬蓐食

遲明攻之乙卯且自率帳內麾下出莫府山南
 吳明徹沈泰等衆軍首尾齊舉縱兵大戰侯安
 都自白下引兵橫出其後齊師大潰斬獲數千
 人相蹂藉而死者不可勝計生執徐嗣徽及其
 弟嗣宗斬之以徇追奔至于臨沂其江乘攝山
 鍾山等諸軍相次克捷虜蕭軌東方老王敬寶
 李希光裴英起等將帥凡四十六人其軍士得
 竄至江者縛荻筏以濟中江而溺流屍至京口
 醫水彌岸丁巳衆軍出南州燒賊舟艦己未斬

劉歸義徐嗣彥傅野豬于建康市是日解嚴庚
 申蕭軌東方老王敬寶李希光裴英起皆伏誅
 高祖表解南徐州以授侯安都七月景子詔授
 高祖中書監司徒揚州刺史進爵為公增邑并
 前五千戶侍中使持節都督中外諸軍事將軍
 尚書令班劔鼓吹甲仗竝如故并給油幢早輪
 車是月侯瑱以江州入附遣侯安都鎮上流定
 南中諸郡八月癸卯太府卿何歆新州刺史華
 志各上玉璽一高祖表以送臺詔歸之高祖是

日詔高祖食安吉武康二縣合五千戶九月壬寅改年曰太平元年進高祖位丞相錄尚書事鎮衛大將軍改刺史為牧進封義興郡公侍中司徒都督班劔鼓吹甲仗阜輪車竝如故丁未中散大夫王彭牋稱今月五日平旦於御路見龍跡自大社至象闕口三四里庚申詔追贈高祖考侍中光祿大夫加金章紫綬封義興郡公謚曰恭十月甲戌敕丞相自今入問訊可施別榻以近衮坐二年正月壬寅天子朝萬國於太

極東堂加高祖班劔十人并前三十人餘如故丁未詔贈高祖兄道談散騎常侍使持節平北將軍南兖州刺史長城縣公謚曰昭烈弟休光侍中使持節驃騎將軍南徐州刺史武康縣侯謚曰忠壯食邑各二千戶甲寅遣兼侍中謁者僕射陸繕策拜長城縣夫人章氏為義興國夫人丁卯詔贈高祖祖侍中太常卿謚曰孝追封高祖祖母許氏吳郡嘉興縣君謚曰敬妣張氏義興國大夫人謚曰宣二月庚午蕭勃舉兵自

廣州度嶺頓南康遣其將歐陽頔傳泰及其子
攷爲前軍至于豫章分屯要險南江州刺史余
孝頃起兵應勃高祖命周文育侯安都率衆討
平之八月甲午進高祖位太傅加黃鉞劔履上
殿入朝不趨贊拜不名并給羽葆鼓吹一部其
侍中都督錄尚書鎮衛大將軍揚州牧義興郡
公班劔甲仗油幢皂輪車竝如故景申加高祖
前後部羽葆鼓吹是時湘州刺史王琳擁兵不
應命高祖遣周文育侯安都率衆討之九月辛

詔曰肇昔元胎剖判太素氤氳崇建人皇必
憑洪宰故賢哲之扈牧伯征于四方神武之君
大監治乎萬國又有一二丘九合渠門之賜以隆
戮帶圍溫行宮之寵斯茂時危所以貞固運泰
所以光熙斯乃千載同風百王不刊之道也太
傅義興公允文允武迺聖迺神固天生德康濟
黔首昔在休期早隆朝寄遠踰滄海大極交越
皇運不造書契未聞中國其亡兵凶總至哀哀
噍類譬彼窮牢悠悠上天莫云斯極否終則泰

元輔應期救此將崩援茲已溺乘舟履輦架險
浮深經略中途畢殲群醜泊乎石頭姑熟流髓
履腸一朝指搗六合清晏是用光昭下武翼亮
中都雪三后之勅讐夷三靈之巨慝堯台禹佐
未始能階殷相周師固非云擬重之以屯剝餘
象荆楚大崩天地無心乘輿委御五胡荐食競
謀諸夏八方基跲莫有匡救彊臣放命黜我冲
人顧影於荼鴆之魂甘心於甯卿之辱却按下
鬻求哀之路莫從竊鉄逃責容身之地無所公

行兵奄至未日清澄惟日足辱步亦再膺天錄斯又
魏魏蕩蕩無德而稱焉而加以休茲忠義屠彼祇
逆震部夷氛稽山罷濤以番禺豎豔洋北鄙西郊殲
厥凶徒罄無遺種斯則北民之命脩短所懸率
土之基興亡是賴於是刑禮兼訓公革有意章中
外成平遐邇寧一用能信以陽光合魄躍象呈暉
樓閣遊庭抱仁含信宏烈該於厚地大道格于
三天義農災昊以來卷領垂衣之世聖人濟物
示有如斯者也夫備物並策相又是膺助理陰

陽蕭蕭曹不讓夫有功高於寓縣而賞薄於伊周
凡厥人祇固懷延佇寔由公謙禱自牧降禎為
懷嘉數遲回永言增歎豈可申茲雅尚又廢朝
猷宜戒司勳敬升鴻典且重華大聖媯內惟賢
盛德之祀無忘公侯之門必復是以殷嘉賈甫
繼后稷之官竟命義和冀重黎之位況其本枝
攸建宜誓山河者其進公位相國摠百揆封
十郡為陳公備九錫之禮加璽紱遠遊冠綠綬
綬位在諸侯王上其鎮衛大將軍揚州牧如故

策曰大哉乾元資日月以貞觀至哉坤元憑山
川以載物故惟天為大陟配者欽明惟王建國
翼輔者齊聖是以文武之佐礚礚藎藎其主墳堯
舜之臣榮河鑊其金版宗平體得一之鴻安寧
陽九之危厄拯橫流於碣石撲燎火於崑崙驅
馭於章彭跨蹶於齊晉禪功行而靡用雲道運
而無名者乎今將授公典策其敬聽朕命曰者
昊天不弔鍾亂于茲國家網漏吞舟彊弱內顛
茲茲三宙悞悞黎元方足圓顧萬不遺一太清

否元橋山之燕已深六害屯如平陽之禍相繼
上由三層運康救荒長鞠於於滇池之南揚旌於
桂嶺之北懸三光於已而監四海於羣飛屠猘
窅於中原斯鯨鯢於濠江一蕩寧上國光啓中興
此則公之大造於皇家也也既而天未悔禍夷
醜存臻南夏朋騰西京五勿覆羣胡孔熾諸亂乘
間進推納落枝次假神哭司昏橈旁引寇讎既
見貶於桐官方謀於漢閣皇運已殆何殊贅
旒中國搖然非徒如綫公赫然投袂匡救本朝

復昔昔齊都平戎王室朕所以還膺寶歷重履宸
居挹建武之風猷謂宣王之雅頌此又公之再
造於皇家者也公應務之初登庸惟始三川五
嶺莫不窺臨銀洞珠官所在寧謐孫虞臺舉越
貊為災番部陷危勢將淪殄公赤旗所指杖壘
洞開白羽纒搗兇徒粉潰非其神武久喪南藩
此又公之功也大同之末邊政不脩李貴狂迷
竊我交愛敢稱大號驕恣甚於尉陀據有連州
雄豪熾於梁頌公莫莫言雄策電掃風行馳御樓

船直跨滄海新昌典激備復艱難蘇歷嘉寧盡
為京觀三山獠洞八角營險迹矣水寓之鄉悠
哉火山之國馬援之所不屆咆嘯之所未聞莫
不懼我王靈爭朝邊倭歸蹕天府獻狀鴻臚此
又公之功也自寇虜陵江宮闈幽辱公枕戈嘗
膽提劍撫心氣涌青雲神飛紫閣而番島連率
本自諸夷言得其朋是懷同惡公仗此忠誠乘
機勦定執沛令而譽分誌平新野而據鞍此又公
之功也世道初艱方隅多難勳門榮黜作亂衡

疑兵切以陸眾非夷獠公以國盜邊警知無不
為郵是同盟誅其醜類莫不魚驚鳥散面縛頭
懸南土黔黎重保蘇息此又公之功也長驅嶺
嶂夢想京畿緣道會豪遞為榛梗路養渠率全
據大都蓄聚通地方謀阻亂百樓不戰雲梯之
所未窺萬弩齊張高駟之所非敵公龍驤虎步
噴吐風雲山靡堅城野無疆陣清氛於瀨石
滅沴氣於雩都此又公之功也遷仕凶慝屯據
大舉之活類馬騰之軍流民多杜弢之衆推鋒

轉調自北徂南頻歲稽誅寔惟勛虜公坐揮三
略運制六奇義勇同心貔貅騁力雷奔電擊公
靜山空列郡無犬吠之驚叢祠罷狐鳴之盜此
又公之功也王師討虜次屆淪波兵之兼儲士
有飢色公回麾蠡澤積穀巴丘億庾之詠斯豐
壺漿之迎是衆軍民轉漕曾無砥柱之難艤舫
相率如運放倉之府犀渠貝冑顧蔑雷霆高艦
層樓仰捫霄漢故使三軍勇銳百戰無前承此
兵變遂於兇逆此又公之功也若夫英圖遠俗

義旅如雲溢壘猜攜用淹戎略公志唯同將大帥
克在和鵠塞非虞鴻門是會若晉侯之誓白水
如蕭王之推赤心屈禮交盟人祇感咽故能使
舟師竝路遠邇朋心此又公之功也姑孰襟要
峭函阻馮寇虜據其關梁大盜負其肩鏑公一
校裁撫三雄竝奮左賢右角沙漬土崩木甲殫
於中原瓊裘赴於江水他他藉藉萬計千羣鄂
坂之隘斯開夷庚之道無塞此又公之功也義
軍大衆俱集帝京逆豎兇徒猶屯皇邑若夫表

裏山河金湯嶮固䟽龍首以抗殿擗華岳以爲
城雜虜馮憑焉彊兵自若公回茲地軸抗此天羅
曾不崇朝俾無遺噍軍容甚穆國政方脩物重
觀於衣冠民還瞻於禮樂楚人滿道爭覩於葉
公漢老銜悲俱歡於司隸此又公之功也內難
初靜諸侯出關外郡傳烽鮮卑犯塞莫非且渠
當戶中貴名王冀馬迺於淮南胡笳動於徐北
公舟師步甲巨野橫江殲厥羣羗遂殫封徯莫
不結木而止戎車非遺遇渾而旋歸驂盡磴此

又公之功也公克黜禍難劬勞白圭室而孫賓之
黨翻啓狄心伊洛之間咸爲虜戍雖金陵佳氣
石壘天嚴朝闈戎塵夜喧胡鼓公三筭旣肅八
陣斯張裁舉靈鉢亦抽金僕咸俘醜類悉反高
壙異李廣之昔詠同龐元之書赦述又公之功
也任約叛換梟聲不悅戎羯會集狼心無改穹
廬配奠慕抵北關而爲營烏丸濟天爲指吉都而成
陣公左翼石落箕張翼奇掃足人擗拾驅其檢狃
長狄之獲埋於國門推髻言之會言必於軍中投秦

章袂冠依憑山澤。縑曰完。聚名廢。歲時結從。連橫。爰泊交廣。呂嘉既獲。吳淠已縱。命我還師。征其不恪。連營盡拔。僞黨斯擒。曜聖武於匡山。回神旌於蠡派。此又公之功也。自八紘九野。瓜剖豆分。竊帝偷王。連州比縣。公武靈已暢。文德又宣。折簡馳書。風猷斯遠。至於蒼蒼浴日。杳杳無雷。北泊丈夫之鄉。南踰女子之國。莫不屈膝膜拜。求吏款關。此又公之功也。京師禍亂。亟積寒暄。雙闕低昂。九門寥豁。寧秦宮之可顧。豈魯

殿之猶存。五都簪弁。百僚卿士。胡服縵纓。咸爲戎俗。高冠厚履。希復華風。宋微子麥稷之歌。周大夫黍離之歎。方之於斯。未足爲悲矣。公求衣昧旦。吳食高春。興構宮闈。具瞻遐邇。邇郊庠宗。穆之典。六符十等之章。還聞太始之風。流重覩永平之遺事。此又公之功也。公有濟天下之勲。重之以明德。凝神體道。合德符天。用百姓以爲心。隨萬機而成務。恥一物非唐虞之民。歸含靈於仁壽之域。上德不德。無爲以爲。夏長春生。顯仁

藏用思信為寶風雨弗愆仁惠為基平羊勿踐
功成治定樂奏咸雲安上治民禮兼文質物色
丘園衣裾里巷朝多君子野無遺賢菽粟同水
火之饒工商富猗頓之旅是以天無蘊寶地有
呈祥瀟露卿雲朝團曉映山車澤馬服馭登閑
既景煥於圖書方歲黜於史謀高勲踰於象緯
積德冠於嵩華固無德而稱者矣朕又聞之前
王宰世茂賞尊賢式樹蕃長摠征羣伯二南崇
絕四履遐曠泱泱表海祚土維齊巖巖泰山俾

侯于魯抑又勤三反鄭夾輔遷周召伯之命斯
隆河陽之禮咸備况復經營宇宙寧唯斷鼉足
之功弘濟蒼生非直鑿龍門之嶮而疇庸報德
寂爾無聞朕所以垂拱當宇載懷慙悸者也今
授公相國以南豫州之陳留南丹陽宣城揚州
之吳興東陽新安新寧南徐州之義興江州之
鄱陽臨川十郡封公為陳公錫茲青土苴以白
茅爰定爾邦用建冢社昔昌胤分陝俱為保師
晉鄭諸侯咸作卿士兼其內外禮實攸宜今命

使持節兼太尉王通授相國印綬陳公璽綬使
持節兼同公王場授陳公茅土金獸符第一至
第五左竹使符第一至第十相國秩踰三鉉任
摠百司位絕朝班禮由事革其以相國摠百揆
除錄尚書之號上所假節侍中貂蟬中書監印
章中外都督太傅印綬義興公印策其鎮衛大
將軍揚州牧如故又加公九錫其敬聽後命以
公禮爲楨榦律等銜策四維皆舉八柄有章是
用錫公七輅戎輅各一玄牡二駟以公賤寶崇

穀疏爵待農室富京坻民知榮辱是用錫公裘
冕之服赤舄副焉以公調理陰陽燮諧風雅三
靈允降萬國同和是用錫公軒縣之樂六佾之
舞以公宣導王猷弘闡風教光景所照觀象必
通是用錫公朱戶以居以公抑揚清濁褒德進
賢髦士盈朝幽人虛谷是用錫公納陛以登以
公巖然廊廟爲世鎔範折衝四表臨御八荒是
用錫公武賁之士三百人以公執茲明罰期在
刑措象恭無赦千紀必誅是用錫公斧鉞各二

以公英猷遠量跨厲高溟抱一車書括囊秉宇
是用錫公彤弓一彤矢百旅弓十旅矢千以公天
經地義貫徹幽明春露秋霜允恭柔盛是用錫
公秬鬯一卣圭瓚副焉陳國置丞相已下一遵
舊式往欽哉其恭循朕命克相皇天弘建邦家
允興洪業以光我高祖之休命十月戊辰進高
祖爵為王以揚州之會稽臨海永嘉建安南徐
州之晉陵信義江州之潯陽豫章安成廬陵并
前為二十郡益封陳國其相國揚州牧鎮衛大

坤

將軍如故又叩陳王冕十有二旒建天子旌
旗出警蹕入蹕垂金根車駕六馬備五時副車置
旌頭雲罕樂舞八佾設鍾虡宮縣王妃王之王
女爵命之號陳臺百官一依舊典辛未梁帝禪
位於陳詔曰五帝之更始三正迭代司牧黎庶是
屬聖賢用能履綽乾理彌綸區宇大庇黔首闡
揚鴻烈聖甲晦以明積代同軌百王踵武咸由此
則梁德無微禍亂荐發太清二岳見困長蛇承
聖之季文雅封豕爰至天成重考精神器三光亟

沈亡廟之祀今寧已派鼎命斯隆我武元之祚
有如綴旒靜惟屯剝夕惕載懷相國陳王有命
自天降神惟嶽天地合德曷曜齊明拯社稷之
橫流提億兆之塗炭東誅逆叛北殲獯醜威加
四海仁漸苗禹國復張崩樂重興絕禮儒館幸脩
戎真虛候大功社稷盛績惟禹魏魏蕩蕩無得
而稱來獻白壤豈直自虞虞之世全頁素雉非止
隆周之白罔以淑珍川陸表瑞煙雲甘露醴泉
皇夕凝滙言樂朱草孽植郊甸道昭於悠代勲

裕於皇寧明明
天光華日月華故著於玄象
代德彰於回回誠
似訟有歸謳詞爰適天之歷數
寔有攸在朕雖
庸藐聞於古昔永稽崇贊為日
已久敢忘列代
之遺典人祇之至願乎今便遵
位別宮敬禪于
陳一依唐虞宋齊故事策曰咨
爾陳王惟昔上
古厥初生民驪連栗陸之前容
成六庭之代竝
結繩為鳥有冥恍忽故靡得而
詳焉自堯農軒
皇今君陶唐有虞之立或垂衣
而御四海或無
而而子萬姓居之如馭朽索去

之如脫敝屣越迺許由便能捨帝暫逢吾卷即
以讓王故知玄扈心瑛璣非開真寶金根玉輅示
表君臨及南觀河渚東沈刻壁精華既竭老耄勤
已倦則抗首而六唯賢是與訪然作歌簡能斯
授遺風公既列昭昭圖書漢魏因循是為故實宋
齊授受又弘斯義我高祖應期撫運握樞御宇
三后重光八祖宗七肖聖及時屬陽九封豕荐食西
都失聖夷狄交侵乃泉天成輕弄龜鼎慄慄黔
首若崩厥角微微皇極將甚綴旒惟王乃聖乃

神、甄明文思二儀竝運四時合序天錫智勇人
挺雄傑珠庭日角龍行武步爰初投袂日廼勤
王電掃番禺雲撤彭豕蟪捕其元惡定我京畿及
王加負帝弘賀茲冠履既行伊霍用保沖人震澤
稽陰竝懷叛逆獯羯醜虜三亂皇都裁命編師
二邦自歿薄伐獫狁六戎盡殪嶺南叛渙湘郢
結連賊帥既擒兇集傳首用能百揆時序四門
允穆無思不服無遠不届上達穹昊下漏深泉
蛇豕立見謳歌攸屬況乎長筭橫天已徵布新

之北壁曰斯既寔是表更姓之符是以始創義師
此堂曜彩肇惟尊主黃龍負舟楫矢素畫梯山
以至白環玉珎慕德而臻若夫安國字萌本因
萬物之志時乘御辯良會樂推之心七百無常
期皇王非一族昔木德既季而傳祚于我有梁
天之歷數允集明哲式遵前典廣詢羣議三公
卿尹莫不攸屬敬從人祇之願授帝位于爾躬
四海困窮天祿永終王其允執厥中軌儀前式
以副溥天之望禮祀上帝時膺大禮永固洪業

豈不盛歟又璽書曰君子者自昭明德達人者
先天弗違故能進退咸亨動靜元吉朕雖蒙寡
庶乎景行何則三才剖判尤有區分情性相乖
亂離云起是以建彼司牧推乎聖賢授受者任
其時來皇王者本非一族人謀是與屈已從萬
物之心天意斯歸鞠躬奉百靈之命謳謠所往
則攘袂以膺之菁華已竭乃褰裳而去之昔在
唐虞鑒于天道舉其黎獻授彼明哲雖復質文
殊軌沿革不同歷代因循斯風靡替我大梁所

以考庸大室接禮貳宮月正元日受終文祖但
運不常夷道無恒泰山岳傾偃河海沸騰電目
雷聲之僉鉤爪鋸牙之獸咀齧含生不知紀極
二后英聖相仍在天六夷金貝狡爭侵中國縣王
都帝人懷干紀一民尺土比日非梁地朕以不造
幼懼閔凶仰憑衡佐亟移年序周成漢惠邈矣
無階惟是童蒙必貽顛覆若使時無聖哲世
靡艱難猶當高蹈於滄洲自求於泰伯者矣惟
王應期誕秀開錄握圖性道故其難聞嘉庸已

其被物乾行同其燾覆日御比其貞明登承聖
於復禹之功樹鞠子於興周之業滅陸渾於伊
洛殲驪戎於鎬京大小二震之驍徒東南兩越
之勅寇遽行天討無遺神策於是祖述堯舜憲
章文武大樂與天地同和典禮與天地同節鼓
之以雷霆潤之以風雨仁靈活葭葦信及豚魚殷
階斯空夏臺虛設民惟大畜野有同人升平頌
平無偏無黨同以雲飛紫蓋水躍黃龍東伐西
征掩映川陸榮光暖曠已冒郊塵甘露瀼瀼亟

流庭苑車轍馬跡誰不率從蟠水流沙誰不懷
德祥圖遠至非唯赤伏之符靈命昭然何止黃
臺之氣海口河目賢聖之表既彰握旄執鉞君
天之狀斯偉且自攝提無心孟陬殄滅枉矢宵
飛天弧曉映久矣夷羊之仁牧時哉蛟龍之出
永華運之兆咸徵惟新之符並集朕所以欽若
勛垂屢回星珣昔者不運斯盡予高祖受焉今
歷去火火精神歸樞紐敬以火德傳于爾陳遠鑒
前王近謀羣辟明靈有悅平上同心一使持

節兼太保侍中尚書左僕射平樂亭侯王通兼
太尉司徒左長史王瑒奉皇帝璽綬受終之禮
一依唐虞故事王其時陟元后寧育兆民光闡
洪猷以承昊天之休命是日梁帝遜于別宮高
祖謙讓再三群臣固請乃許

紀第一

陳書一

典澈或本作曲澈前有典澈湖亦同皆疑

2#418.1



#953.2
#363

